

खुदर गे बाइबल
एद'अना

पहिला
एस्तेर



तरती तूड़तारकी र'ई: Edward Hughes

तरती कमतारक'आ र'ई: Janie Forest
Alastair Paterson

तरती हो'अतारकी र'ई: Lyn Doerksen

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children
www.M1914.org

©2021 Bible for Children, Inc.


लाइसेंस: इदिन मल बीसना गूटी, निंगहय गुसन ई कहानीन
काँपी महले प्रिंट नन्ना ही हक र'ई।



आलीद कौड़-कौड़ मन्ना
परता मंड्य्याँ इज्जकी
रहचा, अदिहीं हेंदवरक'आ
खन्न ओन्टा भयभयर'अन
घटना तरा एःरा लगिया।
अदिहीं तंगदस खेःआ
लगियस। असन अयो
मरियम रहचा, अउर
आद आ अड्डा हेददे
इज्जकी रहचा, एकसन
यीशुस क्रूस मंड्य्याँ
अरगाचक'आ
रहचस।




ईद हरमी एकासे मंजा?
यीशुस एन्ने दावकना जिनगीन
एन्ने इल्चक'आ लेखा एकासे
मंजा आंगदस? धर्मस तंगहय
खददासिन असन
खे:आ गे क्रस
मंडर्याँ कंटी
ठोक'आ गे
एकासे हुकुम चि'आ
आंगदस? एन्द्रा यीशुस
गलती नंजस का आस ने
रहचस? एन्द्रा धर्मस एन्देर
नना हुँ पुल्लु रहचस?



मला! धर्मेस मल हरचक'आ
र'अदस। यीशुस एन्देर
गलती हँ मल नंजक'आ
रहचस। यीशुस अगहे ती
अख'आ लगियस का
मलदाव आलार आसिन
पिट्टोर चि'ओर। एकाबारी
यीशुस सन्नी रहचस,
आबारी हँ शिमोन नामे हीं
ओरोत पंजगी आलास
मरियम ती बाचक'आ
रहचस का दुःख अगे र'ई।



यीशुसिन पिट्टना ती जोक्क
उल्ला अगे, ओरोत मुक्का
बरचा अउर आस हीं खेड्ड
नु महमहरना ईसुंगन तुन्दिया
चिच्चा। “आद ढिबान उड़ाब’आ
लगी,” चेलार शिकाइत नंजर। यीशुस
बाचस, “आद दाव नलख नंजकी रँई। आद ईदिन
एंगहय मंडर्ना गे नंजा।” एंवदा हयकट कत्था हेके।



ईदि हीं खोखा, यीशस हीं
बारह चेलार ती ओरोत,
यहदास, मध नैगर हीं
30 ठ चाँदी हीं ढिबा गे
यीशसिन धोखा चि'आ गे
मंचस केरस।



यहूदी पासका परब हीं ओन्ना-मोखना
नु, यीशुस तंगहय चेलार गने तंगहय
मुजन्ता ओंडस-मोखस। आस आरिन
धर्मस अउर आस हीं गच्छरक'आ हीं
बारे नु, ने आस ती चोन्हा नंदस,
हयकट कत्थान तिगियस। तेकर यीशुस
आर गे अस्मा अउर डुब्हन खट्टा गे
चिच्चस। ईद आरिन सुरता नन्त'आ गे
रहचा का यीशुस हीं कया अउर
खेंस पाप हीं छमा
ओन्द्र'आ गे
चीतारकी रहचा।




खने यीशुस तंगहय संगेर ती बाचस आस गने धोखाधडी
नन्ना मनो, अउर आर बांगोर कालोर। “पतरस कोडहेम
बाचस “एन मल बांगोन।” यीशुस बाचस, कोकरों चीखना
ती अगे, नीन तीन खेप एंगन बलदन ब’ओय।



खोखा आ माखाम, यीशुस
गतसमनी बडगी नु बिन्ती
नना गे केरस। एका चेलार
आस गने रहचर खंदर
केरर। “यीशुस बिन्ती
नंजस” अना एंगहय बाबा,
“... ई डूबहन एंगहय
गुस्तेक गोच्छा नना चि’आ।
अंनु हँ एंगहय इच्छा
मला, लिकिन इन्नु
निंगहय इच्छा पुरा मनो।”



अचाक्का ओन्टा गोहड़ा
यहूदास हीं चोखक'आ ती
बडंगी नु कोरचा। यीशुस मना
मल नंजस, लिकिन पतरस
ओरोत आलास हीं खेब्दन
खंडियस चिच्चस। यीशुस
चपचाप आ आलास हीं
खेब्दन कप्पियस अउर
आसिन कोड़े नंजस। यीशुस
अख'आ लगियस का आस हीं
धरना धर्मस हीं इच्छा हेके।



गोहड़ा यीशुसिन मुध नैगस हीं एड़पा ले होच्चा। असन यहूदी
मुद्धार बाचर का यीशुस गो खे:अना मनो। हेददेम, पतरस
नौक्रहर हीं चिच्च गुसन इज्ज'अर की ए:रा लगियस।

तीन खेप आलार पतरस तरा

ईरयर अउर बाचर, "नीन

यीशुस गने रहचकय!"

पतरस तीन खेप बलदन

बाचस, एकन्ने का यीशस

बाचक'आ रहचस का

आस ननोस। एन्ने


हँ का पतरस तंगन

सर्प'अचस अउर

किरया मोखस।




काँकरे काँ



आ बारीम ओन्टा कोकरोद
चींखया। ईद पतरस गे
धर्मस हीं सड़ा लेखा रहचा।
यीशुस हीं बाचक'अन सुरता
ननर की पतरस भोकरर-
भोकरर चींखयस।






यहूदास गे हँ दुःख रहचा। आस
अखे'आ लगियस का यीशस एन्देर
पाप महले गुनहा हीं दोषी मल
रहचस। यहूदास चाँदी हीं 30 ठु
ढिबान किरत'आ बिद्दयस,
लिकिन नैगर अदिन
मल होच्चर।




यहूदास ठिबान
किर्या हिबडियस,
बहरी केरस अउर
तंगन फांसी नंजस
चिच्चस।




नैगर यीशुसिन रोम राजी चलाब'ऊ
पिलातुस हीं मुन्दहारे ओन्दर,
पिलातुस बाचस, "एन ई आलास
मंड्य्याँ एन्देर हँ गलती मल
खक्क'आ र'अदन।" लिकिन
गोहड़ा चिच्चयारते रहचा,
"आसिन क्रुस नु अरग'आ!
आसिन क्रुस नु अरग'आ!"



अन्तले पीलातुस हार मंचस केरस अउर
यीशुसिन क्रूस मंड्य्याँ खे:एना हीं सस्ती
चिच्चस। सैनर यीशुसिन घूसा लवचर,
आस हीं बई नु तूप्पियर अउर आसिन
कोर्ता ती लवचर। आर दिगहा सूईतू
आच्च हीं निर्दय मुकुट कमचर अउर
आस हीं कुक्क मंड्य्याँ चिपचार चिच्चर।
तेकर आर आसिन खे:आ गे कंक हीं
क्रूस मंड्य्याँ कंटी ती ठोकचर चिच्चर।



यीशुस अगहेतिम अख'आ लगियस का आस आ लेखाम
खे:ओस। आस ईदिन हँ अख'आ लगियस का आस हीं
खे:एना पापी आलार गँ छमा ओन्द्र'ओ ने आस मंडय्याँ
भरोसा नन्नर। यीशुस हीं दुयो
पक्खे दुई झन गुनाहगररिन
क्रूस नु टंगचका रहचर।
ओरोतस यीशुस मंडय्याँ
पत्ताचस अउर मेर्खा चाइल
केरस। नन्नस मल पत्ताचस।



जोक्क घंटा सतारक'आ हीं खोखा,
यीशुस बाचस, "पुरा मंजा," अउर
केच्चस केरस। आस हीं नलख
पुरा मंजकी रहचा। संगियर
आसिन ओन्टा तमहय
कबूर नु मंडियर
चिच्चर।



खने रोमी सेनर कबूरन
ढपचर चिच्चर अउर
अदिन खपा हेतरर।
अकक ने हँ भितरे महले
बहरी काला पोल्ला
लगियर।



अगर ईद कहानी हीं अंत
मंजक'आ, होले ईद एंवदा दुःख
मनो दने। लिकिन धर्मेस
जोक्क हयकट नंजस। यीशुस
केच्चक'अम मल रहचस!



हप्ता हीं पहिला उल्ला ता
पइरी-पइरी, यीशुस हीं जोक्क
चेत्तार कबूर ती पखनन
गुढकरक'आ खक्खियर।
एकाबारी आर भितरे
ईरयर, यीशुस असन
मल रहचस।



ओरोत मुक्का कबूर गुसन चींखते रहचा।
यीशुस अँदि गे एःथ्रस! आद नन्ना
चेलारिन तेंगा गे रीडिरनुम बोंगते
किर्रया। “यीशुस उज्जने र'अदस!
यीशुस केच्चकर ती किर्रक'आ
बरचक'आ र'अदस!”



चांडेम यीशुस चेलार गुसन बरचस, अउर अबडारिन
तंगहय कंटी ठोकोचक'आ खेकखन ए:दाचस। ईद
मानिम रहचा। यीशुस अउर ओन खेप उज्जनेम
रहचस! आस पतरससिन आस हीं बलदन ब'अना
गे छुमा नंजस चिच्चस, अउर तंगहय चेलारिन इबडा
बारे नु होरमारिन तेंगा गे बाचस, अउर आस मेर्खा
नु किरियस केरस। एस्तेक आस बरचक'आ रहचस।



पहिला एस्तेर

धर्मेस हीं बचन ती ओन्टा खीरी, बाइबल,


इय्या खकखरी'ई

मत्तीस 26-28, लुकास 22-24,
यूहन्नास 13-21

“निंगहय बचन हीं बखडे बिल्ली चि'ई।”

अस्सना पड़ना 119:130





इबड़ा बाइबल खीरी नमन नमहय हयकट धर्मस हीं बारे नु तिंगी, ने नमन कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस पाप ब'अदस। पाप हीं सस्ती खे'अना हेके, लिकिन धर्मस निंगन अज्जम चोन्हा नंदस औंगे आस तंगहय ओन्टा एकला तंगदस यीशुसिन तइय्यस का क्रुस नु खे'ओस अउर निंगहय पाप गे सस्ती खकखोस। तेकर यीशुस उज्जा चोचस अउर तंगहय एइपा मेखा राजी केरस! अगर नीन यीशुसिन पत्त'ओय अउर निंगहय पाप गे छमा ने'ओय, होले आस छमा ननोस चि'ओस। आस अक्कन बर'ओस अउर निंगहय जिया नु र'ओस, अउर नीन आस गने जिनगी जुग उज्जोय।

अगर नीन इदिन मानिम पत्त'अदय होले इदिन धर्मस ती ब'आ: अना यीशु, एन पत्त'अदन का नीन धर्म हेकदय, अउर एंगहय पाप गे आल बंचकय की केचकय, अउर अक्कन उज्जने र'अदय। सोगगे एरर की एंगहय जिनगी न बरा अउर एंगहय पापन छमा नना, एकातुक अक्कन एंगहय पुना जिनगी मनो, अउर उन्दुल निंगहय गने जिनगी जुग र'ओन। एंगन निंगहय खद्द लेखा निंगहय कत्थान पे:सर'आ गे अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

